

臨證指南醫案目

卷七

痢

便血

脫肛

痿

痺

瘰癧

驚

癰

臨證指南醫案卷七

許關李太醫翰圃

古吳葉桂天士先生著 錫山鄒錦畹滋九仝較

邵銘新甫

痢

暑濕熱

沈

暑必挾濕傷在氣分古稱滯下此滯字非停滯飲食

言暑濕內侵胸中流行阻遏而為滯矣消導升舉溫補

暑邪無有出路胸痞不飢不食粘膩未已而肛門沉墜

裏結三焦皆受邪蒸上下渾如雨截延為休息痢疾纏

何方與案相反
何故

綿展轉豈旦晚驟愈之病

如有暑邪、薑膠不可用雖有牛連不能救也

淡乾薑

生薑

小川連

淡黃芩

人參

枳實

徐

夏季痢症多是濕熱食積初起宜分消其邪但肌柔白嫩乃氣虛之質且性情畏藥只宜少與勿過

檳榔汁

青皮

陳皮

厚朴

川連

黃芩

木香

炒黑山查

又

濕熱下痢必用苦辛寒為治粟殼瀉腸止瀉久痢成方當此熱邪未清宣通斯滯可去因色白氣弱未敢峻攻耳

此乃正法何與
前方不類也

厚朴

黃芩

川連

木香汁

查肉

炒銀花

麥芽

盧

痢症濕熱皆是夏令伏邪但以攻消大傷胃氣不能
去病今微嘔不飢不寐大便欲解不通是九竅六腑不
和總是胃病

人參 一錢

吳萸炒川連 四分

泡淡生乾薑 五分

茯苓 三錢

川棟子肉 一錢

生白芍 一錢

某女

舌色灰黃渴不多飲不飢惡心下利紅白積滯小溲

不利此暑濕內伏三焦氣機不主宣達宜用分理氣血
不必見積以攻滌下藥

飛滑石

川通草

猪苓

茯苓皮

藿香梗

厚朴

白蔻仁

新會皮

陸氏

經來暑穢痧脹心煩自利黑瘀

淡黃芩

枳實

川連

石菖蒲

鬱金

橘紅

陳

瀉痢兩月肢體浮腫高年自屬虛象但胸脘痞悶納

穀惡心每利必先腹痛是夏秋暑熱鬱滯於中虛體挾

邪焉有補瀉可去邪扶正之理恐交節令變症明是棘

手重症矣

人參

茯苓

川連

淡乾薑

生白芍 枳實

某 臍上青筋突痛太陰脾受傷此前症也近日腹痛白
積兩旬不已是新受夏秋暑濕與病異岐先理新病導
氣分消主之

藿香 厚朴 廣皮 茯苓皮

川連 木香 木瓜 扁豆

某 痰哮宿病正在初秋而發又值寒熱下痢血積腹痛

吐逆脈來右弦左弱目黃羞明必是暑濕凝滯着裏以

補虛之中佐以清邪乃通劑法

二味與症俱發

人參 黃芪 白芍 廣皮 石蓮子

濕熱

川連

查肉

草決明

金銀花

王

痢疾古稱滯下。乃是濕熱氣薄腸胃阻閉氣分。故利仍不爽。河間丹溪僉用清熱導氣者爲此。

黃芩

川連

草決明

炒黑查肉

生白芍

石蓮

丹皮

廣木香汁

倪

十六面垢舌白。心下脘中淒淒痛窒。至圍復便不爽。此水

穀之濕內蒸爲熱。氣道阻閉。上熱下冷。若外受客邪。旣

過募原。必有寒熱矣。

淡黃芩

川連

淡竹葉

檳榔汁

白芍

厚朴

廣皮白

某

濕溫下痢脫肛

五苓散加寒水石

江

食物不調腸胃蘊蓄鬱蒸積聚而滯下三月不愈清

疎帶補之

人參

川連

炒白芍

炒查肉

廣皮

茯苓

炒當歸

烏梅

久痢可用亦當審察

陸

濕熱內蘊中焦痞結陽氣素虛體質濕注自利不爽

神識昏亂將變柔痙

少半夏

人參

枳實

川連

乾薑

黃芩

薑汁

顧

得湯飲腹中漉漉自利稀水平昔酒客留濕濕勝內

此按飲之痢方
極靈妙

蘊腸胃不爽凝積東垣清暑益氣亦為濕熱傷氣而設

但脾胃久病仍能納食當苦味堅陰芳香理脾

生茅朮

四兩

炒黑黃柏

二兩

炒黑地榆

二兩

猪苓

一兩半

澤瀉

一兩半

水法丸服三錢

葛

十四

酒客大便久瀉脇上曾發瘡瘍春夏脇下有形腹形

滿脹此久蘊濕熱瘡膿自利未能泄邪腸胃氣壅利頻

不爽法當分消以去濕熱若攻劫太過必傷脾胃議用

丹溪小溫中丸早進二錢五分夜進二錢五分

三兩

某

潮熱自利腹痛

黃芩

生白芍

枳實

桔梗

板榔汁

木香汁

徐能食。腹痛下痢。兼和其陰。

人參

生白芍

黃芩

枳實

川連

乾薑

某十六。濕熱內蒸。下利紅積。

炒黑神麴

炒黑查肉

茯苓皮

飛滑石

新會皮

厚朴

淡竹葉

扁豆葉

祝

三

十年久痢。須推飲食。避忌酒客。濕滯腸中。非風藥之

辛佐苦味。入腸。何以勝濕逐熱。久病飲食不減。腸中病

也。此非煎藥所能治者。

綿茵陳

香白芷

北秦皮

茯苓皮

黃柏

藿香

某

形瘦陰虧濕熱下痢。悞投消食反劫津液。邪未盡津

先耗咽喉痛且噎。欬所謂濕未罷已上燥矣。

川連

銀花

通草

黃芩

川貝

茯苓皮

某

濕熱內阻氣分腹痛下痢。目皆黃舌光不渴。議清裏

泄濕熱

黃芩

寒水石

川連

厚朴

秦皮

鬱金

山五濕鬱腹痛利紅如豆汁。

生茅朮

三錢

炒山查

一錢半

厚朴

一錢

紅麴

一錢半

廣皮

一錢

猪苓

一錢

某夏秋痢疾固是濕熱傷氣脾胃氣滯後重裏急不爽

古方香連凡取其清裏熱必佐理氣謂氣行斯濕熱積

聚無容留矣知母生地滋陰除熱治陰分陽亢之火與

痢門濕熱大異蓋滋則呆滯氣鈍窒塞宜乎欲便不出

究竟濕熱留邪仍在桂附熱燥又致肛墜痛如刀割補

中益氣東垣成法僅僅升舉下焦清陽未能直透腸中

再用大黃重藥兼知母生地等味更令傷及下焦書義

謂諸痢久都屬腎傷。小腹痛墜。忌冷。顯然是下症。議與升陽亦須下治。

人參

茯苓

澤瀉

炙草

防風根

羌活

獨活

細辛

生薑

大棗

某

舌白渴不欲飲。心腹熱。每痢必痛。肛墜。痢又不爽。微

嘔有痰。口味有變。頭中空痛。兩頰皆赤。此水穀氣蒸濕

熱鬱於腸胃。清濁交混。忽加煩躁難鳴。苦况法當苦寒

泄熱。苦辛香流氣滲泄利濕。蓋積滯有形。濕與熱本無

形質耳。

川連

黃芩

鬱金

厚朴

厥陰伏熱

猪苓

槐米

秦皮

包先厥下利膿血腹痛嘔惡乃寒熱互傷

淡黃芩

川連

丹皮

生芍

炮薑

炒銀花

陳氏溫邪經句不解發熱自利神識有時不清此邪伏厥

陰恐致變瘧

白頭翁

川連

黃芩

北秦皮

黃柏

生白芍

白頭翁湯加芩芍

又溫邪誤表劫津神昏恐致瘧厥

炒生地

阿膠

炒麥冬

生白芍

炒丹皮

女貞子

邱 嫗

進潤劑。痛緩。積稀。知厥陰下利。宜柔。宜通。血虛有風。

顯然

生地

阿膠

丹皮

生白芍

銀花

小黑穢豆皮

某

熱漸入裏。胸痞便泄。議酸苦泄熱。

黃芩

川連

枳實

白芍

廣皮白

滑石

甘草

穀芽

蔡

內虛邪陷。協熱自利。脈左小右大。病九日不減。是爲重症。議用白頭翁湯方。加黃芩白芍。

協熱痢

潘時令暑濕都從口鼻而受。氣鬱則營衛失於轉運。必身熱無汗。其邪自上以及中。必循募原。致腸胃亦鬱。腹痛瀉積。無非濕熱之化。此分消利濕則可。若以表藥則傷陽氣矣。

茯苓

陳皮

厚朴

木香

炒扁豆

炒山查

又

協熱下利。粘膩血水。是腸胃中濕熱之化也。

北秦皮

白頭翁

茯苓

澤瀉

炒銀花

益元散

某

春溫內陷下痢。最易厥脫。